

Mensahe 9

Nalukop sa Himaya sa Dios ang Templo sa Dios

Basahong Kasulatan: Exo. 24:16; 40:34-35; 1 Hari 8:10-11;
Buh. 7:2, 55; Juan 17:22; Efe. 3:21; Bug. 5:13; 21:9-11

I. Kinaiya sa Dios ang himaya; pagpadayag sa Dios ang himaya, ang Dios nga napadayag diha sa kasanag—Exo. 24:16; Buh. 7:55.

II. Nilukop sa tabernaculo ug sa templo ang himaya sa Dios—Exo. 40:34-35; 1 Hari 8:10-11:

- A. “Nitabon ang panganod sa Toldang Tigomanan, ug nilukop sa tabernaculo ang himaya ni Jehova”—Exo. 40:34:
1. Dakong adlaw gyod kadtong adlaw nga gipatindog ang tabernaculo, nikunsad ang panganod ug nitabon niini, ug nisulod ang himaya sa Dios ug nilukop niini—vv. 2, 34-35:
 - a. Makakita sa panganod kadtong nagtigom libot sa Toldang Tigomanan, samtang makakita sa sulodnong himaya sa tabernaculo ang labawng sacerdote nga sa kadugayan nisulod sa Dapit Labing Balaan—Lev. 16:15; Heb. 9:7.
 - b. Nagpakita kini nga sa pagsinati nato sa iglesiahanong kinabuhi moabante gyod ta pinaagi sa pagsulod ngadto sa tabernaculo—ni Cristo nga pagkalawas sa Dios—aron magpahimulos sa tinapay sa talad ug mangamuyo sa may halaran sa incienso, aron masinati nato ang himaya sulod sa puluy-anan sa Dios—Exo. 40:34-35; Juan 1:14.
 2. Dakong panalangin alang sa mga anak sa Israel ang tabernaculo nga natabonan sa panganod ug nalukop sa himaya, apan karon naa nato ang realidad sa naa nila sa hulagway ra—14:2-3, 6, 10-11, 16-18, 20, 26; Efe. 2:18-22; 3:16-21.
- B. “Nilukop sa balay ni Jehova ang himaya ni Jehova”—1 Hari 8:11:
1. Nalukop sa himaya sa Dios ang templo, ang hiniusang pagpadayag ug puluy-anan sa Dios dinhi sa yuta—vv. 10-11.
 2. Nilukop sa templo ni Jehova ang himaya ni Jehova, nagdala sa Dios nga naa sa mga langit nganhi sa yuta ug nagdugtong sa yuta ngadto sa mga langit—v. 11.
 3. Sa Genesis 28 nagdamgo si Jacob nga “dihay hagdan nga gipatindog sa yuta, ug nisangko sa langit ang tumoy niini” (v. 12), ug niingon siya nga kini “walay lain kondili ang balay sa Dios, ug kini ang ganghaan sa langit” (v. 17):
 - a. Didto nanaog ang langit sa yuta, ug nadugtong ang yuta sa langit pinaagi sa hagdan.
 - b. Hulagway kining hagdanana ni Cristo nga, isip Anak sa Tawo, lakip na ang Iyang pagka-tawo, mao ang hagdan nga gipatindog

Mensahe 9 (sumpay)

sa yuta ug nagpaingon sa langit, nga nagpaabli kanunay sa langit alang sa yuta ug nagdugtong sa yuta sa langit alang sa balay sa Dios, sa Bethel—Juan 1:51; Gen. 28:19.

- c. Nanaog karon sa yuta ang langitnong Dios, ug nadugtong ang yuta sa Dios pinaagi ni Cristo nga nagpuyo sa sulod nato—Col. 1:27.
- d. Dili lang nga nanaog ang Dios gikan sa langit, kondili nilukop sab sa templo ang shekina nga himaya Niya—1 Hari 8:10-11.

III. Dios sa himaya ang Tulo-usang Dios—Buh. 7:2, 55:

- A. Ang Dios mao ang Dios sa himaya—vv. 2, 55:
 - 1. Mapadayag ngani ang Dios, mao kana ang himaya; Dios ang Dios nga dili makita, ug himaya ang Dios nga makita—Exo. 13:21.
 - 2. Nagpakita ni Abraham ang Dios sa himaya, gitawag siya, ug gihahin gikan sa kalibotan ngadto sa Dios; nadani ug nabihag siya nianang himayaa—Buh. 7:2.
- B. Gigamit ni Pablo sa Efeso 1:17 ang pamulong *Amahan sa himaya*:
 - 1. Ang Amahan sa himaya mao ang Dios nga napadayag pinaagi sa Iyang daghang anak—Heb. 2:10.
 - 2. Nagpasabot og pag-anak pag-usab ang ngalang *Amahan*, ug nagpasabot og pagpadayag ang pulong *himaya*; busa, nagpasabot og pag-anak pag-usab ug pagpadayag ang ngalang *Amahan sa himaya*.
- C. Pareho rag himaya si Cristo nga Anak ug ang Dios Amahan—Juan 17:5:
 - 1. Si Cristo nga Anak mao ang kasanag sa himaya sa Dios; ang Anak mao ang pagsidlak, ang kasulaw, sa himaya sa Amahan—Heb. 1:3a.
 - 2. Si Cristo ang Hari sa himaya, si Jehova sa mga panon (sa ato pa, sa mga kasundalohan), ang nahingpit nga Tulo-usang Dios nga gipakalawas diha sa madaogon ug moabot nga Cristo—Sal. 24:7-10; Luc. 21:27; Mat. 25:31.
 - 3. Si Cristo ang Ginoo sa himaya—1 Cor. 2:7-8:
 - a. Si Cristo ang atong kinabuhi karon ug ang atong himaya sa umalabot—Col. 3:4; 1:27.
 - b. Gitawag ta sa Dios nganha ning himayaa, ug dad-on ta Niya nganha niini—1 Ped. 5:10; Heb. 2:10.
- D. Gihisgotan sa 1 Pedro 4:14 ang “Espiritu sa himaya ug sa Dios”:
 - 1. Ang Espiritu sa himaya mao ang Espiritu sa Dios.
 - 2. Pinaagi man sa Espiritu sa himaya nga gihimaya si Cristo sa Iyang pagkabanhaw—Rom. 1:4.
 - 3. Kining Espiritu mismo sa himaya nagpabilin nganha sa nag-antos nga mga magtutuo sa dihang gilutos sila, aron mahimaya

Mensahe 9 (sumpay)

ang nabanhaw ug gituboy nga Cristo, nga naa karon sa himaya—
1 Ped. 4:13-14.

IV. Tiunayng may kalabotan sa pamatigayon sa Dios ang himaya sa Dios—1 Tim. 1:4; Efe. 1:10:

- A. Ang walay kataposang tumong sa Dios pagdala man sa daghang Anak Niya ngadto sa himaya alang sa walay kataposan nga hini-usang pagpadayag—ang Bag-ong Jerusalem—Heb. 2:10; 1 Cor. 2:7; Efe. 1:5-6, 12, 14; Bug. 21:7, 9-11.
- B. Gitudlo tang daan sa Dios nga makabaton sa Iyang himaya aron mapadayag nato Siya; busa, ang tumong sa pagtudlong daan sa Dios paghimaya man kanato—1 Cor. 2:7.
- C. Gilalang ta sa Dios sa Iyang dagway ingog mga sudlanan ngadto sa kadunggan, nga giandam ngadto sa himaya; gitudlo tang daan sa pagkamagbubuot Niya nga mahimong Iyang mga sudlanan sa kadunggan nga magpadayag sa Iyang pagkamao sa himaya—Gen. 1:26; Rom. 9:21, 23.
- D. Gituman sa katubsanan ni Cristo ang gipangayo sa himaya sa Dios—3:23-25; Heb. 9:5; itandi sa Gen. 3:24.
- E. Pinaagi sa ebanghelyo sa himaya sa Dios, gitawag ta Niya pinaagi sa ug ngadto sa walay kataposang himaya Niya—2 Cor. 4:4; 1 Tim. 1:11; 1 Tes. 2:12; 1 Ped. 5:10; 2 Ped. 1:3.
- F. Nagpuyo sa sulod nato ang malangkobon-sa-tanan nga Cristo isip paglaom sa himaya—Col. 1:27; 3:4, 11.
- G. Sa nagtan-aw ug nagpasumbalik ta sa himaya sa Ginoo, gitransporma ta ngadto sa dagway sa Ginoo gikan sa himaya ngadto sa himaya—2 Cor. 3:18.
- H. Naglihok sa sulod nato ang Dios Amahan ingog Dios sa tanang grasya aron makaambit ta sa walay kataposang himaya Niya ug mahimo man nganing himaya sa Dios—1 Ped. 5:10.
- I. Ang himaya sa Dios diha sa pamatigayon Niya naglambigit sa habog nga punto sa diosnong pinadayag—nahimong tawo ang Dios aron mahimong Dios ang tawo sa kinabuhi, kinaiya, ug kagamitan apan dili sa ranggo sa pagka-Dios—Juan 1:14; Rom. 8:3; 1:3-4; Col. 3:4; Heb. 2:10; Bug. 21:10-11.

V. Nag-ampo si Ginoong Jesus sa Juan 17:22 nga, “Gihatag Nako nila ang himayang gihatag Nimo Nako, aron mausa sila, maingon nga usa Ta”:

- A. Sa nakaampo na alang sa mga hugna sa pagkausa diha sa ngalan sa Amahan pinaagi sa walay kataposang kinabuhi (vv. 6-13) ug sa pagkausa tungod sa pagbalaan sa balaang pulong (vv. 14-21), nag-ampo

Mensahe 9 (sumpay)

ang Ginoo alang sa ikatulong hugna kalabot sa pagkausa sa mga magtutuo nga naa sa diosnong himaya aron hiniusang mapadayag ang Tulo-usang Dios (vv. 22-24).

- B. Kay ang himayang gihatag sa Amahan sa Anak gihatag man sa Anak kanato, naa sa diosnong himaya ang tinuod nga pagkausa—v. 22:
1. Ang himaya mao ang pagkaanak nga gihatag sa Amahan sa Anak lakip na sa diosnong kinabuhi ug kinaiya sa Amahan aron mapadayag ang Amahan diha sa Iyang kahupnganan—vv. 1, 5, 22.
 2. Dunay upat ka aspeto sa himaya: ang pagkaanak, ang kinabuhi sa Amahan, ang diosnong kinaiya sa Amahan, ug ang pagpadayag sa Amahan diha sa Iyang kahupnganan; pareho ra kining upat ka butang sa himayang naato diha sa Anak ug gihatag sa Anak kanato—Efe. 1:5; 4:18; 1 Juan 5:12; 2 Ped. 1:4; Bug. 21:9-11.
- C. Sa ikatulong hugna sa pagkausa, ang mga magtutuo, nga bug-os nang nagdumili sa ilang kaugalingon, nagpahimulos sa himaya sa Amahan nga maoy hinungdan sa nahingpit nga pagkausa nila ug tungod niana hiniusa ug tinukod nga nagpadayag sa Dios—Juan 17:22:
1. Sa ikatulong hugna ra sa pagkausa nga hingpit gyod tang mausa aron mapadayag ug mahimaya ang Ginoo.
 2. Maato ang kinabuhi sa Dios, ang kinaiya sa Dios, ug ang Dios mismo man ngani sa tuyo nga mahimo tang pagpadayag sa Dios—v. 22.

VI. Gipahayag ni Pablo sa Efeso 3:21 nga, “Maiya ang himaya diha sa iglesia ug diha ni Cristo Jesus ngadto sa tanang kaliwatan hangtod sa kahangtoran Amen”:

- A. Sige tang gilig-on ngadto sa tawo nato sa sulod sumala sa kadato sa himaya sa Dios; nagpasabot kini nga maumol ang himaya sa Dios nganha sa mga balaan—v. 16; 2 Cor. 3:18.
- B. Sa Efeso 3:21 ang *maiya ang himaya* nagpasabot nga mobalik sa Dios ang himaya sa Dios, nga giuomol nganha sa mga balaan.
- C. Nidangat nato kining himayaa uban sa Dios ug, sa maumol na kini kanato, mobalik kini sa Dios uban nato; sa ingon niini mahimaya ang Dios diha sa iglesia—vv. 16-21.
- D. Pinaagi niining pagnganhi-ngadto, manguna sa paghimaya sa Dios ang iglesia, nga mga unang-bunga sa uniberso (Sant. 1:18):
1. Giumol ang himaya sa Dios nganha sa iglesia, ug napadayag Siya diha sa iglesia—Efe. 1:22-23; 2:21-22; 3:16-17, 19b.
 2. Maiya sa Dios ang himaya diha sa iglesia; sa ato pa, mahimaya ang Dios diha sa iglesia—v. 21.

Mensahe 9 (sumpay)

3. Mahimaya ang Dios dili lang ning panahona, sa panahon sa iglesia, kondili sa umalabot sab nga panahon, sa panahon sa gingharian, ug sa panahon sa kapanahonan, nga mao ang eternidad—Mat. 6:13, 29; Rom. 16:27; Bug. 5:13; 21:10-11.
4. Aron mahimaya ang Dios sa tanang kapanahonan, sugod karong panahona hangtod sa eternidad, himayaon gyod Siya diha sa iglesia ug diha ni Cristo—Efe. 3:21.

VII. Ang maila kaayong kinaiya sa Bag-ong Jerusalem mao nga duna kini himaya sa Dios, ang pagpadayag Niya—Bug. 21:11, 23:

- A. Ang Bag-ong Jerusalem, nga hiniusang pagpadayag sa Dios sa eternidad, dunay hitsura sa Dios, nga nagpadayag sa dagway sa Dios diha sa Iyang himaya—vv. 10-11; 4:3.
- B. Ang tibuok syudad sa Bag-ong Jerusalem dunay himaya sa Dios, nga mao ang Dios mismo nga nagsidlak pinaagi sa tibuok syudad—21:11a:
 1. Ang himaya sa Dios maoy sulod sa Bag-ong Jerusalem, kay hingpit mang napuno sa Iyang himaya ang syudad; nagpakita kini nga sudlanan ang Bag-ong Jerusalem nga sudlan sa Dios ug magpadayag Niya.
 2. Ang himaya sa Dios sa pagkatinuod mao ang Dios mismo nga napadayag; busa, kanang nalukop ang balaang syudad sa himaya sa Dios nagpasabot nga napadayag ang Dios ning syudara.
- C. Ang himaya sa Dios, ang Dios nga napadayag, naghayag sa Bag-ong Jerusalem, nagsidlak pinaagi sa paril nga jaspe—vv. 23, 18a:
 1. Sama sa batong jaspe ang kahayag sa Bag-ong Jerusalem, sama katin-aw sa kristal—v. 11b.
 2. Nagsidlak ang himaya sa Dios diha ni Cristo nga Cordero ingog suga pinaagi sa paril sa balaang syudad—vv. 23, 18a.
- D. Ang Dios mao ang Bag-ong Jerusalem, ug ang paghimaya sa Dios paghimo man Kaniya nga Bag-ong Jerusalem ug paghatag sa tanang himaya Kaniya—v. 22; Rom. 15:5-7:
 1. Ang paghimaya sa Dios pag-ambit man sa Bag-ong Jerusalem—Bug. 3:12; 21:11.
 2. Sa diha lang mapadayag nato ang Dios sa Bag-ong Jerusalem nga tinuod Siyang mahimaya sa uniberso—Rom. 16:27; 1 Cor. 10:31.
- E. Ingon nga Bag-ong Jerusalem, mahimo tang pagdayag sa himaya sa Dios—Efe. 1:12:
 1. Sa eternidad hingpit nga masuroman sa Dios ug magpadayag sa Dios ang tanang anak sa Dios—Heb. 2:10.
 2. Mapadayag ang Dios pinaagi sa Iyang mga anak nga gihimaya, ug kining napadayag nga Dios mao ang himaya—Bug. 21:7.

1 UG 2 MGA HARI

Mensahe 9 (sumpay)

3. Magdayeg sa napadayag nga Dios ang tanang manulonda ug positibong butang sa uniberso; busa, mahimong pagdayeg sa Iyang himaya kitang gihimayang mga anak sa Dios—Efe. 1:12.